

DE
MONSTRO HUMANO
BICIPITE & BICORPORE, TRUNCIS AD ANTERIORA
COALITIS ARTUBUSQUE DPLICATIS,

LIBELLUM PRIOREM, ANATOMICUM,
Venia Experientissimæ Facultatis Medicæ Aboënsis.
Publicæ censuræ subjicit

LAURENTIUS JOHANNES PRYTZ,
PHIL. & MED. DOCTOR, FAC. MED. ADJ. ORD. & DEMONSTRATOR.
BOTANICES, IMPER. COLL. MED. FENN. SECRETARIUS,

RESPONDENTE

CAROLO TENGSTRÖM,
STIPENDIARIO PUBLICO, ÖSTROBOETHNIENSE,

In Auditorio Medico die XXVII Novembr. MDCCXVI
horis ante meridiem solitis.

*Nobis nostra Academia magnam licentiam dat, ut quodcumque
maxime probabile occurrat, id nostro jure licet defendere,*

CICERO.

ABOÆ, Typis FRENCKELLIANIS.

Primum quod tueri oportet, fides est experimentorum meorum. Sed id quidem, si solam meam famam tangit, difficultatem nullam habet. Mea enim experimenta publice omnia, multa in conspectu Virorum anatomes gnarissimorum facta sunt, in quos non facile falli caderet, fallere nunquam. — — — *De fide vero mea in primis labore: num recte experimentis ad theorematum colligendis usus sim, minus sollicitus, Fallere enim turpe, errare humanum est.*

v. HALLER.

DE MONSTRO HUMANO
BICIPITE & BICORPORE, TRUNCIS AD ANTERIORA
COALITIS ARTUBUSQUE DUPLICATIS

LIBELLUS PRIOR, ANATOMICUS.

§: I.

Praefatio.

Singulares illæ ac horrendæ sœpius *Nisus formativi* iusiones, Monstrorum nomine ex insolita & portentosa specie nuncupatae a), tanti certe sunt in Physiologia momenti, ut operæ omnino sit pretium in earum naturam causasque summa cura studioque inquirere; quippe que accuratius indagatæ haud pa-
rum generationis humanæ theoriam illustrent, etiamnum ob-
scuram valde & implexam b). Neque enim vel monstra for-
tuito ac temere a Natura prægigni, sed certis suis definitisque
legibus procreari, existimandum est: quod vel ex similitudini-
bus eorum inter se tantis, ut secundum has in clasium & fa-

-
- a) "Monstri vox ex ipsa linguae natura videtur designare aberrationem animalis a consueta suæ speciei fabrica adeo evidentem, ut etiam signarorum oculos feriat. Nobis vis vocis perinde videtur indicare fabricam, etiam grandium & conspicuarum partium, alienam a solita. Neque enim que in nervis, in vasis, in musculis, in ossibus varietates dicuntur, eas vellem monstra dicere, & difficulterum foret, si omnino subtilitates sequi vellemus, limites definire, quibus consyeta & naturalis fabrica definitur. Norunt enim Anatomici, minora omnia, & vasa potissimum, in singulis fere corporibus aliter & aliter se habere. v. HALLER Operr. miscorr. T. III p. 3.
- b) Innumeræ fere monstrorum descriptiones in Actis & Adversariis E-
ruditorum extant, at plurimæ, præsertim antiquiores, parum lucis

miliarum quendam ordinem facili negotio redigi possint *c*), op-
pido elucet *d*).

materiæ tractandæ afferentes, utpote quæ externam tantummodo for-
mam spectent, de intimis corporum penetralibus recludendis pa-
rum sollicitæ.

*c) Notabiliores has clasas cum analogiis & variationibus ejusdemque
earum curate conquistatis, proposuit ill. v. HALLER in Libro I de
Monstris, in T. III Operum minorum recuso.*

*d) Insignem Magni omnium Rossiarum Imperatoris PETRI I in scien-
tias amorem declarat inter alia solemne & sapientissimum ejus jus-
sum, quod Moscovitici Imperii incolis omnibus & singulis injungit,
ut monstra ubicumque obvia Praefectis urbium adferant, eo nempe
consilio ut Societates Imperii Litterariæ eorum tanto facilius eva-
dant compotes, hæcque naturæ portenta in emolumentum Rei me-
dicæ attentius examinent. Quam quidem legem naturæ indagandæ
egregie profuisse significant ditissimæ Museorum per Rossiam ubi-
que obviorum Naturæ proventuum collections, cunctarum per reli-
quam Europam similium, & numero & mirabili habitu monstræ
raritatis exemplorum, quibus abundant, facile principes. Tempe-
rate vero mihi non potui quominus Edictum Imperiale, die 13 Fe-
bruarii anni 1718 latum, ex Novis Actis Academiarum
Petropolitanarum (Tom. XIV pp. 367 — 8), ubi latine redditum ex-
stat, hic transcribam; utpote cui notitia rei jamjam exponendæ
potissimum debeatur. Habet autem sequentia: "Notum est, tam
in genere humano, quam inter bestias & aves, nasci aliquando
monstra, quæ apud omnes politiores nationes curiositatis ergo col-
liguntur; idcirco ante aliquot annos mandato fuit injunctum, ut
monstra apportarentur, ex præmio pro illis promiso, & adlati
fuerunt duo infantes bicipites, & bini gemelli, qui corporibus
sunt connati. Ast in tam vasto imperio multo plura dari possunt,
sed abscondunt ea rudes homines, credentes monstra oriri ab in-
fluxu diaboli, ab incantamentis &c: quod fieri nequit. Quam ob-
rem denuo injungitur hoc editio, ut, in qualibet urbe, tam hu-
mana, quam ferina & volatilium monstra ad praefatos urbium
adferantur; præmium erit adlaturis pro monstro humane mortuo*

Monstrorum autem ex genere præ cæteris attentionem Physiologorum merentur insolitæ deformitatis species, quæ duo corpora, utrumque suis membris rite instructum, individua & quasi in unum conflata spectanda sunt. Qui quidem geminati fœtus, quotquot sunt in annalibus Eruditorum descripti, tantum non omnes aut præmaturo partu ex utero ejetti sunt, aut in partu vel tempestivo plerumque periere e). Neque rem se aliter habere posse videtur, quam quod causæ,

"decem, pro ferino mortuo quinque, pro mortuo volatili trium
"rublionum; ast pro vivo humano centum, pro eodem ferino
"quindecim, pro ave monstrosa viva septem rublionum; si vero
"quid acciderit multo rarius, merces dabitur major, & vice versa.
"Adjungitur etiam hoc, quod si monstrum natum fuerit apud pa-
"rentes nobiles, qui ob pudorem nollent illud adferre, illis licen-
"tia datur nomen suum tacere, præfectis vero urbium prohibetur
"inquirere, quis ille fuerit, qui montrum attulit, sed recepto
"monstro & soluto præmio statim præfeci eos dimittant. Si vero
"quis contra hoc edictum monstrum celaverit, ille denunciatus &
"accusatus solvet multam præmio decies majorem, quæ reddetur
"delatori. Præterea si quis detexerit in terra, in aqua, verbi gra-
"tia; lapides extraordinarios, osa humana, vel animalium, pi-
"scium aut avium non ordinariæ magnitudinis vel parvitatis, aut
"et veteres inscriptiones in lapidibus, ferro vel cupro, demum ar-
"ma, vasa, aliaque maxime vetusta nec magis usualia, omnia hæc
"adferantur, & pro varietate rei præmium tribuetur: &c."

- e) Horum nonnulla exempla nostro præsertim monstro quadantenus similia, ex Actis quæ nobis in promptu fuere, congesimus. Exstant nempe talia in *Miscell. Ac. Nat. Curiosi. Anni 1683 p. 267*, *ibid. A. 1684 p. 190*, *ibid. A. 1694 p. 185*, *Actis ejusd. Acad. Tom. 4 p. 232*, item *p. 574*, *Novis iisdem Actis T. 2 p. 272*, *it. p. 280*, *ibid. T. 5 p. 206*, *ibid. T. 6 append. p. 129 it.* *p. 159*, *Philos. Transactt. A. 1670 p. 1188 it. p. 2056*, *ibid. A. 1748 p. 526*, *Hist. & Mem. de l'Acad. des Sciences de Paris A. 1751 ad. 8:0 hist. p. 106*. *Novis Actt. Ac. Scient. Petrop. T. 14 hist. p. 76 mem. p. 367*. Умозрительный Изслѣдований С. П. бургской Акад. Наукъ. Т. IV p. 382, *Actt. Erudi-*

quæcumque sint, Naturam in foetu generando operantem a conservata agendi ratione abducentes, noxiā quādam insimul exferant vim, aut in matrem, subſtruenda ſenſim morboſitatem, qua uterū ad abortū cieatur, aut in foetū, vires ejus vitalēs in tantum frangendo, ut vel ante diem in hospitaculo materno ſenſim abſumatur, vel tandem difficultatibus parturæ ſuſtinendis impār reddatur. Naturam autem indulgentiſiſimam vel has monſtrificas ſuas formas nobilioribus & ad vivendum neceſſariis organis interdum inſtruere, teſtimonio ſunt non nulli hujusmodi foetus ſani reſteque valentes in lucem editi f), quoſ tāmen vel ex ſuperſtitioſa vel inſiپiente matrum incu- ria mors fato præpropero ſæpius abſtulit. Eo magis igitur attenta obſervatione ac penitiore examine digni habeantur o- portet, qui ex peculiari qnaſi communis fortis exceptione pro- digiorum inſtar in lucem prodiere & aliquamdiu ſani ſoſpites- que in vita manſere g).

torr. Lipſiensi. A. 1726 p. 180, ALB. v. HALLERI Oper. minerr. T. 3 Libr. I de monſtris capp. 29 & 30, Åbo Tidn. 1801 Sedn. hälft. N:o 7.

- f) Tales caſus habent: Mifcell. Ac. Nat. Curiosſ. An. 1684 p. 473 & App. 477, ibid. A. 1685 p. 288, Attā ejusd. Acad. T. 2 p. 217, Phil. Transact. A. 1709 p. 308, Hist. & Mem. de l'Acad. des Sciences de Paris ed. 8:o A. 1703 hist. p. 48, ibid. A. 1706 mem. p. 538, etiam Åbo Tidn. 1806 N:o 72.
- g) Horum celeberrimæ ſunt puellæ Hungariæ, oſſibus ſacris a poſte- riore parte connexæ, viginti duorum annorum ætatem aſſecutæ, quarum vita narratur in Philos. Transact. A. 1757 p. 311; alioſ minus longævōs exhibent: Att. Ac. Scient. Petrop. A. 1778 P. I hist. p. 41, dorſo concretos, duos menſes viventes; Hist. & Mem. de l'Acad. de Paris A. 1723 ed. 8:o hist. p. 36, truncis ex oppoſito ad umbilicū confluentibus, tertiae vita ſuę hebdo- madi haud ſuperſtitieſ; denique Åbo Tidn. A. 1804 N:o 95 de puelliſ Italij refertur, iā modum noſtrarum conjunctiſ, ſeptimo geſtationiſ menſe natis, ſeptimoque ætatis ſuę menſe defundiſ.

Duplicium horum fœtunt maxima pars adversis pectoribus & epigastriis cohærere solet ^{h)}: quibus, licet externæ formæ numeris quoddammodo expletis, exiguum tamen, ut facile ad prævidendum erat, vitæ curriculum concessum est. Rarius quoddam istiusmodi Naturæ figmentum nobis examinandum femet haud ita pridem obtulit, puellas ⁱ⁾ loquor a medio pe-

Juvat & hic duas RIOLANI (ex Dissertatione de monstro Parisiensi) historias monstrorum bicorporum, bipedum, maxime notabilis, quamvis antiquitatis situ fere obrutas, allatis subjungere. Prior hæc est: "In Anglia non procul ab Oxonia natum est monstrum bicipes, quatuor manibus donatum, sed ventre unitum, & partibus inferioribus uticum. Ex ipsis gemellis uno vigilante alter dormiebat; dum hic latam faciem ostenderet, ille tristis & moestus apparabat; quindecim dies vixere, sed alter uno die alteri supervixit." Alteram his enarrat verbis: "Memorabilis est historia monstri cuiusdam in Northumbria orti, quod ventre cohærebat, gemino capite, quaternis manibus, sed inferiores partes communes habebat. id Rex diligenter & erudiendum & educandum curavit, ac maximme in musicis, qua in re mirabiliter profecit, quin & varias linguis edidicit: & variis voluntatibus duo corpora secum discordia dissentiebant, ac interdum litigabant, cum aliud alteri non placaret, interdum veluti in communione consultabant. Illud etiam in illo memorabile fuit, quod cum inferne crura lumbive offendentur, utrumque corpus communiter dolorem sentiret; cum vero superne pungeretur, aut alioqui laceretur, ad alterum tantum corpus doloris sensus perveniret; quod discrimin in morte fuit magis conspicuum. Nam cum alterum corpus complures ante alterum dies extinctum fuisset, quod superficies fuit, dimidio sū computrescente paulatim contabuit. Vixit id monstrum annos viginti octo, ac decepsit administrante rem Scoticam Joanne Prorege."

^{h)} Inter 165 fœtus humanos duplicatis partibus abundantes 64 bicipites quadrumanos tetrapodes olim numeravit v. HALLÉR, 44 bicipites bipedes, unicipites 38, & 17 qui gemellum de corpore pendulum gestabant. Priorum 5 a posterioribus partibus reperio coalitos, eodem numero oppositis truncis ad umbilicum conflatos, 12 ad summum lateraliter junctos, at bessem omnium efficiunt ad anteriora conjuncti.

ⁱ⁾ In omni hac classe, maxime vero in numerosiori familia festuum

stere umbilicotenus junctas, quas rustica nostratum ante bienium fere in lucem edidit, quibusque per octo dies vitalis-hujusce auræ usura contigit. Quarum cadavera huc aportata diligentius scrutari cum mihi delatum esset, materiam idoneam judicavi, quæ specimine qualicunque academico a me uberior tractaretur. In bipartita igitur dissertatione, primum Anatomiā earum tradere, deinde physiologica, quæ mihi probabiliora visa sunt, argumenta ad explicandam originem & formationem tam hujus quam aliorum monstroforū fœtuum spectantia, proponere constitui. Cujus opusculi prior libellus ea exhibitus, quæ in hoc præprimis monstro notabilia ac singularia inter incidendum mihi visa sunt, jam æquæ bonorum quorumvis censuræ subjicitur; præmissis iis temporum rerumque momentis, quæ ad pleniorem materiæ explicandæ cognitionem pertinentia mihi innotuere.

§. 2.

Historia monstroſi partus.

Initio anni proxime præterlapsi 1815, cum ab administranda Provincia morbo detineretur Ditionis Viburgensis Satrapa, jamjam defunctus Nob. CAROL. STJERNWALL, Magistratus vicarius, cuius erat negotiis huic muneri annexis interea ex officio invigilare, Imperiale Collegium Medicum Fennicum per litteras certius fecit: *Helenam Michaëlis rusticō Georgio (Jöran) Matthiæ Koski nuptam, in pago Lahnajärvi parœciae Säckjärvi, Territorii Villmanstrandensis, duo millaria ab urbe Viborg sito, enixam esse die 24 Decembris (st. n.) anni 1814*

adversis faciebus coalitorum, perpetuo fere sexum occurtere fœminum, eo magis est observatione dignum & explicatu difficultimum, quo certius constat alios monstroſos partus mascula potissimum abundare progenie.

geminis puellas adhucdum viventes, abdominalibus coalitas, capitis vero, manibus pedibusque sejunctas. Quod ubi rescivit Imperiale Collegium, ad insolitum apud nos casum diligenter esse attendendum judicavit, eoruendem, penes quos summa administrandæ provinciae erat, diligent curæ gemelliticum partum, quoad viveret, commendavit, simulque ut quandocumque vitam poneret, cadaver sine mora huc mitteretur petiti. Et cum insuper ad plenioram rei notitiam comparandam e re esse videretur, impigrum quendam & peritum medicum, omnia huic pertinientia accurate investigaturum eo allegare, Medico Provinciali Districtus Lovisensis, Medicinae Licentiatu D:no Joh. Edgren, Imp. Collegium demandavit: ut mox supradictum pagum peteret, ibi de rebus insolitis, si quæ matre gravida contigissent, de ratione ac modo ipsius parturæ, atque de aliis præterea momentis factum quodam modo illustranibus, curiose perquireret, quæcumque etiam externa & minus solita in corporibus cerni possent studiose notaret, & denique ex his rite examinatis & cognitis accuratam exactamque relationem conciperet Imperiali Collegio tradendam.

Præterlapso exinde bimestri temporis spatio & defuncto interea monstro, de quo jam agitur, una cum litteris de morte ejus, corpus exanimum arca inclusum atque congelatione a putredine, linteisque circumvolutis ab injurya itineris longi, bene servatum huic accessit. Brevi quoque post Experientissimus D:n Edgren suam ex mandato confessam relationem Imp. Collegio exhibuit; quam, utpote eximium ad explicandam monstri hujus naturam pertinens documentum, ex svecano sermone ad verbum hic transferre placet k): "Helena Michaelis rustica in parœcia Säckjävi Provinciae Viburgensis, annos nata septem & triginta, infantum trium viventium mater, absque valetu.

k) Autographon hujus relationis in Archivo Imp. Coll. Med. Fenn. servatur.

"dinis infirmitate biennium cum dimidio quamquam non gra-
 "vida menstruis caruerat. Nihilo tamen minus hoc tempore
 "denuo concepit: id quod non nisi ex ciborum fastidio, sibi
 "subinde oborto, suspicari valuit, donec motiones solitae fœtus
 "sentiri coeperint. Per reliquum fœturae tempus valetudine usa
 "est secunda & operibus rusticis ex more vacavit. Neque in-
 "soliti quid gravidæ obvenerat, unde exitum sibi adeo por-
 "tentosum metuere didicisset. Motus illos, viventis fœtus pri-
 "ma indicia, prægnanti subvenisse primis meis Augusti die-
 "bus ipsa narravit; quodque temporis partus, die vicesimoquarto
 "Decembri mense peracti bene fatis respondet. Nocte autem
 "qua partum enixa est, atriis cubiculisque ad festum instans
 "purgandis intenta, in aqua apportanda fuerat occupata usque
 "dum hora fere secunda, ob dolores instantis partus solita
 "præsgavia, in conclave seclusum secesserat; ubi auxilii orba,
 "neque cubans sed genubus innixa, intra semihoram doloribus
 "perpesis in parturiendo ordinariis, nec ullo inopinato quo-
 "dam interveniente facto, puellas edidit geminas abdomine con-
 "cretas, & quantum externo quidem obtutu judicari potuit,
 "cavitate abdominis communi. Inter haec ipsa animadverterat
 "fœtus alterum caput, sub mento alterius inflexum, fuisse pro-
 "pulsum, ex quo factum est, ut hunc partum haud ægrius ac
 "priors emiserit. Genitura peracta infantes illico vocem edi-
 "dere moxque vagitum. Funiculus umbilicalis utrique com-
 "munis, insolita fili tutorii duplicitis vel fili cannabi velaris
 "tenuitate, in inferiori cohaesionis angulo fuerat insertus, & in
 "partu juxta umbilicum abruptus est 1). Hora a partu secun-
 "dinæ

1) Hæc & alia nonnulla similia observata de funiculo umbilicali in
 partu absque lethali eventu abrupto, itemque analogia animantium
 brutorum satis declarare mihi videntur celebrem illam inter SCHULZ
 & BÖHMER agitatam questionem medico-legalem; An deligatio di-

2^a dinæ, teste matre placenta unica *m*), secutæ sunt, Lochia
 2^a modica duas hebdomades fluxere. Dolores post partum haud
 2^a alios quam in prioribus foeturis fenserat. Cæteroqui mater
 2^a biennio antehac Synocha & Tertiana *n*) laboraverat; quibus
 2^a vero malis feliciter explicata, valetudine haud secus ac ante
 2^a usq; est prosperrima, eadem non minus incorrupta prædicta,
 2^a quamvis undecimam jam a partu hebdomadā non menstruata
 2^a agat. — In locum prædictum veniens, infantes jamjam exa-
 2^a cto ostenditæ viræ curriculo esse defunctas, & in Baptismo
 2^a ex casu necessitatis instituto nomina accepisse alteram *Eva*
 2^a alteram *Anna*, rescivi. Cætera ad copulationem earum mon-
 2^a strofam pertinentia Imp. Collegio Medico in obduktione
 2^a anatomie corporum instituenda planius innotescunt, quam

At funiculi in infantib; recens natis neglecta, pro causa sufficien-
 ti nec fallaci mortis haberi queat? Ostendunt etiam non immerito
 a variis de Re obstetricia primi ordinis Scriptoribus deligationem
 hanc promtam, ex more antiquo institui solitam, inutiliē sepius,
 interdum quoque noxiā, esse judicatam. Vide de his BAUDE-
 LOQUES *Entbindungskunst* ed. 2^a MECKELI T. I p. 436 *sqq.* Quid
 quod recentiores quidam ab hac consuetudine oriunda voluerint
 principia variorum morborum in infantes gravissime fæcientium,
 maxime variolarum; *Mesoperifusus* T. I p. 342 *sqq.* & T. II
 p. 295.

- m) Solitum est hujus concretionis gemellis placenta communi & umbi-
 licali funiculo simplici uti, gravissimo sane, contra theoriam de
 mechanica monstrorum origine argumento.
- n) Facilius certe me judge explicari possent causæ & origines mon-
 strorum, si in omnibus historijs eorum conficiendis accurate notata
 esent; quæ ad matrum constitutionem physicam, morbos & ægri-
 tidines pertinet; dolendum itaque hanc rem neglexisse plerosque
 Auctores, qui de monstrosis partibus nos certiores fecerunt. Exem-
 plum fœminæ, similes nostrarum coalitas gemellas enixæ, quæ
 primis gestationis mensibus tertiana laboraverat, commemorant tamen
Acta Nat, Curiosi, Vol. IV p. 232.

"mīhi extērnam tantum eorū formā intuenti. Notabile
 "quid in brevissima harū infantū vita obseruatū nesci-
 "verunt p̄sentes, narrantes tantummodo ambas simul vagi-
 "se, & altera ex cibō oblato obmutescēte alteram pariter
 "continuo tranquillam factam esse; unde famis sedē, i. e.
 "ventriculū o), in his esse unū judicarem. Mammæ geni-
 "trici munificē non fuere, quamobrem ex cornu lactario ci-
 "batæ sunt. Excrementa, quantum quidem observaverat ma-
 "ter, ordinaria habuerunt. Pondus octo libri um victualium
 "junctim explevere, & longitudine qui indecim pollices sveca-
 "nos operarios emensæ sunt."

Duplex igitur hocce corpū cum huc pervenit, mihi, ut-
 pote Imp. Collegii Medici Secretario & vicibus Anatomie Pro-
 fectoris insuper fungenti, demandatum est, ut cultro adhibito
 anatomico in fabricam omnem, viscera & intestina ejus inqui-
 rem. In quo negotio peragendo omni quidem, qua potui,
 cura & diligentia versatus sum, quonam vero cum successu
 alii judicent, quum omnis pro p̄paratis anatomicis subtilio-
 ribus conficiendis vel maxime necessarius apparatus mihi de-
 fuerit. P̄parata tamen quædam simpliciora Museo Theatri
 nostri Anatomici futuro servare studui p). Fœtum quoque in-
 tegrum, abdomen ejus utrinque apertum, ut situs viscerum
 adpareat, aliasque partes notabiliores post confectam dissectio-

o) Hanc conjecturam, quamvis probabilis videri possit, dissectio corpo-
 rum non comprobavit; aliam vero simultanei vagitus explicandi ra-
 tionem nos infra docebimus.

p) Hæc sunt: *thorax* osseus duplex exsiccatus, *cor* & *pulmones* co-
 hærentes cum magnis vasis in spiritu vini, *hepar* in spiritu, *ven-
 triculi* inflati cum duodenis & parte jejuni, inferior pars *tubī inte-
 stinalis* ex eo loco quo in bina discedit *ilea*, osfa denique plurima
 separata.

nem, depingenda curavi, quoad heic loci fieri potuit, ubi anatomica instructus cognitione pictor & chalcographus defunt. Nec caruit insolita res plurium testium oculatorum examine & fide: frequentes enim rarum cadaver inspecturi & mirabilem naturae lusum contemplaturi confluxere tam litterati quam illitterati homines, rei novitate adducti. Rationem vero injuncti mihi officii jam redditurus, primum de habitu cadaveris externo, deinde de partibus ejus internis, quo se ordine mihi inter incidendum obtulere, dicam; ea solummodo, quæ a naturali aut situ aut forma aberrare deprehendi, adumbraturus, cætera, quæ ad ordinarias ac solitas naturæ leges conformata reperi, intacta omnino relicturus: methodum sic observaturus, quam & Ill. v. HALLER & alii harum rerum primi ordinis Scriptores persecuti sunt.

§. 5.

Habitus corporum externus.

Primo hic monere attinet maturum ac tempestivum hunc partum in lucem prodijisse, quod quidem indicarunt capillago plenior, candor naturalis cutis, pube præcocium fœtuum immunitis, ossa solida, cartilagines densæ, unguis demum duriusculi, longiores.

Capita fœtui erant duo distincta faciebus obversis, utrumque collo suo paullulum reclinato impositum. *Brachia* cum manibus cuique corpori sua, bina, consuetis locis thoraci adnexa & ad solitum naturæ modum conformata. *Pectora* superne duo separata, utrumque binis consveto loco mammilarum papillis instructum, anteriore ex facie inferiora versus ad angulum rectum convergentia, mediaque parte, $1\frac{1}{4}$ poll. infra claviculas, in unum corpus conjuncta, de cætero ex adverso sibi adposita & plane cohærentia, fulco tamen ubi sibi occurabant in utroque latere ad oculum distincta. *Abdomina* item

umbilicotentis erant conflata, integumentis communibus sine ullo separantis lineæ vestigio continuatis; hinc porro *hypogastria* in sejuncta corpora discedebant, cum pelvibus, pudendis, artubus denique inferioribus cuique pueræ suis, omni numero perfectis. In angulo divisorum abdоминum occurrerat *umbilicus simplex* funiculò immunis, annulo cartilagineo præter naturam biante ostio pollicem lato, ex quo, post mortem dilatato, prodierat hernia instar intestini ilei pars nuda, propendula q).

Infantes igitur erant duæ, sexus sc̄ominini, in unum concretæ, suis tamen rite instructæ membris, nil monstrosi præter plenam cum sorore ex anteriori parte cohæsionem præ se ferentes; cuius communis nexus latitudo 5 poll, in utroque latere æquabat.

Proportio mutua membrorum utriusque puellæ naturalis erat, magnitudine vero infra solitam tempestivi partus r), & omni corporis habitu graciliore minusque, quam quo gaudent communiter infantes primæ ætatis, obeso, venusta tamen forma conspicuæ; altera alteri simillima, licet mensuræ jamjam notandæ sinistram s) (*Annam*) paullo majorem fuisse innuant.

q) Postquam aqua frigida egelatum & emollitum manibusque spectatorum interea incautius tractatum erat cadaver, hernia illa instantum crevit, ut major pars intestini, 4 certe poll. longitudine, ex umbilici annulo maxime dilatato, integro tamen, propenderet.

r) Gemellitici partus ordinarijs quidem minores esse solent, nostræ vero puerilæ adeo erant exiles, ut simplicem eumque bene nutritum foetum una sumtæ vix mole æquarent; cui earum exiguitati magna ex parte tribuendum reor, quod, aliter ac in his fieri solet, genitura haud laboriosa parturienti obtigerit.

s) Facile adparet in corporum, qualis hic adfuit, ex anterioribus con-

Longitudo a vertice ad calcem Annæ 18 pollices, Evaæ 17. Diameter capitis longitudinalis in priore 5 poll., transversalis $3\frac{1}{2}$; in altera dimensiones sere exēdem, vix linea minores. Latitudo thoracis communis 5 poll., dorsi utriusque super humeros 3 p. 1 lin. Offa sacra in siti spontaneo 7 poll. distabant, sed propiorem compressionem facile admittebant.

§. 4.

Quæ vista sunt integumentis communibus dissectis.

Incisus ablatisque tegumentis communibus singularis prorsus nec opinata partium internarum fabrica sese prodidit. Qui enim primo obtutu simplex duntaxat duorum corporum nexus videbatur, ipsum jam intimam quoque eorum conformatiōnem tetigisse observatum est, habitumque ordinem & relationem partium inter se eam subiisse mutationem ac translocationem, ut quidem in conjunctis corporibus naturalis quadam tenus servaretur organorum complexus, in singulis antem non solum forma, sed vel maxime eorum positio, alienæ omnino a sveto naturæ ordine ac monstroæ adparerent.

Quæ in thoracis conformatiōne singularia observata sunt, indescriptione sceleti aptius occurrit, quippe quod partes de-

nexione utramque puellam pro libitu dici posse vel dextram vel sinistram, & faciem totius cadaveris anteriorem a posteriore non posse per se distingvi; nobis tamen anterior facies audit, ad quam apex cordis respexit, posterior ea, cui propior posta fuit basis; unde puella *dextra* (Eva) nobis erit illa, quæ ad manum sinistram Prosectoris, in eo corporum situ quo mucro cordis sursum spectaret, jaceret, altera vero (Anna) *sinistra*. Consultius interterea vi- sum est nominibus puellarum propriis inter describendum uti, quo ambiguitas ex æquivoca denominatione dextræ vel sinistre, in variato cadaveris situ oriunda, facilius tollatur.

nudatæ plenioræ formæ ideam sítant, quam cum eædem musculis ac membranis ob sitæ visceribusque intus opertæ considerantur. In antecessum tamen liceat in genere monere ea, quæ in perfecti cujusque hominis pectore & abdomine ob viam venire solent quoad organorum fabricam & situm, eadem in duplicitis hujus puellæ utroque latere reperta esse t).

Musculi pectorales consuetis sedibus adfixi erant, in neutro latere quidquam variationis pasū, nisi quod dentationibus in cartilaginiæ costarum tendentibus plus solito utrinque decussatim sibi intricarentur u).

Musculi abdominales e solitis locis oriebantur itemque interferebantur, sed directio fibrarum a vulgari habitu maxime differebat. *Obliquus externus* utriusque lateris postica parte, quæ a latissimo dorfi obtegitur, recte descendebat, hinc anteriora versus magis magisque *obliquus*, fibris arcuatis deorsum convexis, tendineus demum factus transversis omnino fibris, compari v) ejusdem musculi e diametro oppositis, in lineam albam

- t) Hæc distractio partium in bicorpore prole hujusmodi connexionis haud infrequens est, quam quonam modo explicit, qui binata monstra comprehensionis ejusdam vi tribuunt, & ex simplici duorum foetuum arctiori in utero contactu, vel impedita partium quarundam evolutione, oriunda volunt, non video.
- u) Muscularum pectoralium dextri & sinistri lateris fibres in foetu semper fere supra sternum in unum confluere, observatio est III. HALLERI; quem fibrarum concursum angustiæ infantilis pectoris tribuere vellem, idque eo magis quo in praesenti casu intricatio & decussatio radicum muscularium evidenter adserit, thorax autem circa sterna oppido coarctatus.
- v) Facile patet paria hic intelligi muscularum, qui in una vel altera cadaveris facie positi erant, ad diversa licet corpora pertinentes, sed in coalitione foetuum sibi approximati, quum a naturalibus comparibus, in altera facie extantibus, valde distarent.

terminabatur. Obliquus internus minus solito adscendebat, & fibris rectis sed fere transversis cum obliquo externo & transverso cito considuebat, vaginam musculi recti efformaturus. Quum vero hi musculi magis transversi quam obliqui essent, *transversus* qui dicitur e contrario oblique potius tendebat ad *interiora & inferiora*, cum suo pari ex adversa facie infra umbilicum demum conjunctus. *Recti* suis vaginis inclusi ex thorace juxta cartilaginem xiphoidem exorti, arcuatim sensim divergentes tendebant ad symphysin ossium pubis utriusque puellæ, relicto inter se triangulari spatio superne angusto, inferne 3 circiter polices lato. *Pyramidales*, uti in fœminis vulgare est, nulli.

Linea alba a cartilagine ensiformi ad umbilicum recte descendebat, superne angustissima, futuræ membranose similis, sensim prout divergebant musculi recti, quorum interstitium tota occupabat, dilatata; hinc rectum non tendebat, sed in bina crura divisa per medium hypogastrium cujusque puellæ ad singulas symphyses ibat.

Umbilicus nullo funiculo superstite, valde apertus diametro plus pollice latior, annulo tamen integro cartilagineo herniam magnam, uti jam observatum est, intestinorum tenuum absque peritonæo emitente. In hoc annulo anterius & superius erat foramen majus pro vena umbilicali, & utrinque ad latera foramen minus duplex arteriarum umbilicalium interjecto uracho impervio.

Hæc de facie cadaveris *anteriori* observata valeant; omni antem numero similis partium fabrica earumque dispositio in facie *posteriori* aderant, ubi & eadem, quæ jam commemorata sunt, lineæ albæ crura infra umbilicum, & in eodem foramina lateralia anteriora in conspectum venere; simileque ac in altera annuli parte foramen venæ umbilicalis secundæ detum est.

Viscera abdominalia,

Dissectis musculis cum peritonæo, spectatisque in situ suo intactis visceribus abdominalibus; omnia reperta sunt in utraque corporis facie tam perfecte ad solitam naturæ formam & partium numerum disposita, ut vero crederes non unicum, at discreta abdominalia aperta et visa fuisse; solummodo quod inservia duo tubercula magna, alterum pone hepar, alterum juxta lienem, peritonæo obtecta prouinerent, renes scilicet, qui quidem naturali loco ad columnam vertebralem utriusque pueræ positi, neque distortionem organorum intraperitonæalium passi, singularem hic habitum ostendebant.

Ejectis deinde visceribus cavitatem abdominalem communem, inferius ab umbilico geminatam, & simplici peritonæo in utrumque corpus continuato obvelatam, deprehendi. Viscera autem separatim examinata sequentia exhibuerunt notatum dignum:

Hepar unicum totam fere diaphragmatis concavitatem occupabat ex duobus, utrumque suis solitis lobulis & sulcis distinctum, a parte posteriori per lobos quadratos conflatis, aperite compositum. *Magnum* hoc viscus diaphragmati necabantur ligamento quadam cruciato, secundum conyexam ejus superficiem decussatim ad angulos rectos disposito; cuius brachium tenuius ligamentum erat suspensorium ad utrumque corpus pertinens, ab apice cartilaginis xiphoidæ ad similem cartilagineum aversæ faciei per diaphragma tendebat; alterum vero crassissimum duo ligamenta coronaria connexa referebat. *Præterea* ad latera superficie inferioris minoribus, uti assolet, ligamentis ventriculo & lieni utrinque adstrictum erat. Incisura profunda in utroque latere hepatis columnam vertebralem fundo.

gulorum corporum respiciens lobum dextrum anterioris dimidiis a sinistro posterioris, & vice versa, distinguebat, interjecto œsophago transitum permittens liberrimum, & in sinum suum venam portam, ex quoque corpore suam, recipiens; aderat præterea haud insolita incisio lobi dextri cujusque ad fundum vesicæ felleæ. *Venæ umbilicales* binæ, quarum singulæ sub ligamento suspensorio in anteriori & posteriori duplicitis hujus hepatis facie naturali sinui, quem parenchyma visceris ad pontis instar transibat, immerſæ, per ductum venosum, utrique suum, cum vena cava inferiore singuli corporis communicabant. *Vesiculae felleæ* duæ, bile turgidæ, in solita fossa lobo dextro subjacebant, fundo versus exteriora respiciente; earum cuique suus ductus cysticus, cum hepatico sui dimidiū cito confluens, aderant, qui deinde sub medio hepatis conjunctim in duodenum inserebantur.

Ventriculi duo forma & magnitudine naturali, oblique ad latera hepatis positi & arcu minori sibi invicem obversi, in suum quodque rite definebant *duodenum*, quod utrumque post pollicis decursum, & facta ad naturæ regulas prima sua flexura, in unum tubum sub media jecoris convexitate confluebat, in quem ductus choledochus communis ac discreti pancreatici mox fese immittebant: reliquus *intestinorum tenuium* tractus besslem circiter sui simplex duntaxat absolvebat, & mesenterii ope Annæ tantum vertebris adhærens, irregularibus gyris maximam intraperitonæalem replebat cavitatem, deinde receptaculum efformabat turgidum, ex quo discreti iterum tubi orientabantur pro quavis puella, acuto angulo discedentes, inter quos tertii cujusdam intestini unciale rudimentum, appendicis instar conicæ prominebat: distincta hæc *ilea*, suis mesenteriis singulo fœtui nexa, per ulteriores anfractus ad regionem iliacam dextram utriusque puellæ, solitam intestini cœci sedem, tendebant, ubi rite in *craffa intestina* abibant, interjectis valvula

coli & appendice vermisformi consuetis, ac demum naturali itinere ad anos properabant x).

Capsulas atrabilarias reperire non potui y).

De liene, pancreate, renibus, duplicato numero repertis, nil a sucto naturae modo alienum notavi. Uterus, vesica & omnia pelvis organa in utroque foetu rite formata videbantur.

§. 6.

Quæ aperto pectori aliena oculis occurrerunt.

Diaphragma amplissimum ex duobus anterius connatis aperite compositum, ambitu quaquaversum musculo, quatuor

- x) Dimensiones partium cujusque tubi intestinalis hæ erant: œsophagi 3 poll. svec., operr., arcus minores ventriculorum 2 poll., duodenis partes separatae in Anna 1 poll., in Eva paullo longior, pars intestinorum communis 55 poll., saccus, ex quo distincta iterum exhibant ilea, cum appendice 2 poll. longitudine 1 poll. latitudine, partes intestinorum tenuium separatae in Anna 15, in Eva 18 poll., intestina crassa utriusque 16 poll., appendix vermicularis Annæ sesquipotlicaris, Evæ bipotlicaris fere.
- y) Dubius hæ profero quum sommi Physiologi, usum capsularum atrabiliarum ignorantes, presumferint eas foetus utero inclusi vitali cuidam functioni esse dicatas; certissimum tamen est hæ organa in nostro monstro non adfuisse; quorum quidem loco super binos renes, non dicam utriusnam, compactum & rubiginosum, sed finibus indeterminatum, cellulose telæ globulum vidi, qui pro renis succenturiato quoad situm quadantenus haberi posset. Exemplum deficientium horum organorum in monstro humano, mortuo nato, partibus superioribus ad umbilicum usque rite & egregie dispositis, sed absque sexus discrimine & in excrescentiam caudiformem desinente, refert HOTTINGER, in *Miscell. Ac. Nat. Curiosi. A. 1701* — 5 p. 413: In adultis immo capsulas renales quandisque deesse repererunt PICCOLHOMNEUS (*Prælect. anatt. L. 2 c. 23*), LAURENTI (*Hist. anatomica p. 53*) & PLEMPFIUS (*Fundam. p. 134*); quamvis de eorum hac in re fide dubitet v. HALLER; v. *Elementa Physiol. ed. 4o T. VII. L. 26 p. 286.*

conspicuum cruribus in utriusque puellæ vertebris lumbalibus oriebatur & costis omnibus spuriis adhærebat, centro tendineo irregulari, ea ex parte qua abdomen respiciebat hepatis incumbens, ex altera thoracem spectante pericardio junctum. In hoc septo transverso duabus arteriis aortis per crurum diversicationes, & in tendinea parte pro utroque œsophago, in musculosa pro venis cavis inferioribus, debitissimis locis transitus patebat.

Cavitas thoraci communis in Septem loculamenta erat divisæ, quatuor scilicet fassis pleuræ existentibus, quolibet suo pulmone instructo, & tribus mediastinis, binis scilicet *dorsalibus* solita organa naturali ratione transmittentibus, & uno ipsorum *medio* ex duobus anterioribus conflato exiguo, quod inferius cor habebat inclusum, superius vacuum, cum *thymus* uterque amplissimus ob angustiam pectoris superiora versus esset repressus, & suis cornubus gracilibus asperam arteriam ad laryngem usque comitaretur.

Pulmones quatuor omnibus numeris perfecti, in lobos binos vel ternos majores, incisuris insuper marginalibus indeterminatis, ut in recens natis ut plurimum obtinet, distincti; quodvis par ad columnam vertebralem utrinque naturali suo situ adpositum, fassis pleuræ separatum, atque aspera sua arteria, bronchisque rite instructum.

Cor unicum, pericardio valido sed laxo inclusum, maximum, ut ex duobus arctissime coailitis conflatum videretur, longitudine latius, depresso, tribus ventriculis & totidem atriis, inter se per foramina in dissepimentis patentia communicantibus, instructum, situm habebat horizontalem & transversalem, mucrone bifido & valde obtuso anteriorem duplicitis corporis faciem, basi crassissimo posteriore respiciens, sequentia habuit maxime notabilia; *Ventriculus dexter* simillimus ei, qui in simplici corde sinistri audit, cæteris longior, rotundior

ac robustior, ex atrio ejusdem nominis sanguinem recipiebat & in communem truncum aortae inferioris & arteriarum pulmonalium *Eva* committebat; *Ventriculus intermedius* reliquis laxior & parietibus tenuioribus, ostio venoso maximo in atrium medium, arteriosis vero binis distinctis in aortam *Eva* superiore & pulmonalem arteriam *Anne* hiabat; *Sinister ventriculus* omnium brevisimus, quasi accessorius, laxior dextro, densior medio, ex atrio sinistro acceptum in aortam *Anne* reddebat sanguinem. *Ostia ventriculorum venosa* dextra & sinistra valvulis bicuspidalibus, intermedii tricuspidali, arteriosa vero omnia solitis semilunaribus ternis erant munita. *Sinus dexter & sinister*, uterque sua auricula instructus, sanguinem ex venis cavis proxime adjacentis corporis hauriebant & in ventriculos ejusdem nominis mittebant. *Intermedio sinu*, reliquis multo ampliori & duabus auriculis ornato, inosculabantur vene pulmonales utriusque puellæ, in binos majores truncos ante introitum confluentes; ostio cæterum hic sinus cum ventriculo medio & foraminibus utrinque ovalibus, patulis, folita valvula munitis, cum lateralibus atris communicabat.

Truncorum quoque arteriosorum descriptionem hic subjungere placet: *Aorta sinistra Anne* propria ex ventriculo sinistro rite oriebatur, & postquam ductum arteriosum Botalli, adhuc pervium, ad pulmonalem arteriam ejusdem corporis sinistram ablegaverat, arcum suum naturali modo absolvebat, & confuetos ramos edens per corpus, cui dicata erat, solitas exhibebat distributiones. *Pulmonales arterie Anne* ex ventriculo medio, communi uti affolent tranco, ortæ ad suum quemque pulmonem ibant. *Aorta media* ex ventriculo medio nata, posse dextram partem cordis propullulabat, & adscendens tendebat ad *Eva* caput, in edendis ramis, qui vulgo ex arcu aortæ prodire solent, tota absunta. *Arteria magna tertia* ex ventriculo dextro orta, mox dividebatur in binos truncos, quorum alter *superior l. sinist* in duas arterias pulmonales *Eva*

descendebat, alter *inferior* l. *dexter* statim sine arcu versus *inferiora* tendebat, & diaphragma in solito aortæ descendantis, cuius deficientis partes agebat, loco perforans ad abdomen & *inferiores* partes properabat; præterea hic truncus ante exitum suum e pectore validum ablegabat ramum, in radicem aortæ mediae inferendum, vicibusque, uti videbatur, ductus arteriosi hujus fœtus quadantenus fungentem z).

§. 7.

Sceletus.

In sceleto duplice, partibus molibus exuto, nihil reperiatur monstroso praeter thoracem communem, cuius ope duo corpora sibi invicem opposita cohæabant. Compositus autem hic erat ex vertebris dorsalibus, in singulo fœtu duodecim, & totidem inde ex utroque earum latere natis costis; quæ, minus solito curvatae, cartilaginibus suis ex adverso sibi occurabant, cum paribus, superius quidem ad idem, inferius ad alterum corpus pertinentibus, confluentes, interposita tamen lata & densa cartagine, (sterni duplicis rudimento), in qua, præsertim superiore ex parte, inspersi erant plures nuclei ossei diversæ magnitudinis. Ex hoc costarum inferiorum cum paribus ex altero corpore concursu in utraque sceleti facie efformabantur arcus duplices, simillimi eorum, qui ex vulgari naturæ lege in pectore humani sceleti anterius conspicuntur; eo insigniori similitudine, quod cartilago xiphoidæ utrinque longissima inter cartilagini spuriarum costarum consveto loco

z) Quærere licet an irregularis hæcce vasorum distributio in hoc fœtu nexum quendam causalem cum vitio columnæ vertebralis in eodem observato & exiliori ejusdem habitu externo habeat?

media interjaceret. Aderat præterea in *Euae* columnæ spinali curvatura quædam lateralis vertebrarum dorsaliū, unde costæ in dextro ejus latere proprius sibi adjungebantur, in opposito longius a se invicem distabant, quam alterius fœtus costæ ad regulas naturæ dispositæ; quæ vero vitia adeo erant levia, ut in corpore integro cerni vix possent.

